



咨



大總統咨參議院開臨時議會議決新舉袁大總統電派唐紹儀爲國務總理文

頃接新舉臨時大總統袁電開參議院擬決第四條辦法擬派國務總理姓名電知參議院求其同意等因現國務總長擬派唐君紹儀國基初定萬國具瞻必須華洋信服閱歷中外者始足膺斯艱鉅唐君此其選也公如同意請將此電送交參議院求其同意并希示復稍俟即將擬派國務員再行電商袁世凱初八日印云云查組織統一政府刻不容緩相應照錄全電咨請貴院卽開臨時會議決咨覆以憑轉復此咨

財政部咨各省都督並附送調查賦稅表式文

(表附後)

調查賦稅已徵未徵停徵各項限日列表報部業經本部電開在案茲特擬定表式相應咨請貴省查照辦理可也此咨

教育部咨陸軍部請飭駐勸業會場農業館參攷館內軍隊遷移將該處借給邊務學校爲校舍文

爲咨請事案據邊務學校創辦人黃家本呈稱蒙藏危急亟宜設立學校以儲邊材因商請陸軍總長等十餘人共同發起創立邊務學校擬請暫借都中南洋勸業會之農業館及參考館兩所爲校舍俟後擇有相當地址卽行退讓惟農業館有南京憲兵第一大營第二中隊駐紮參考館有江北義勇隊第一標三營駐紮人數均尚不多應請飭移讓等因前來查儲養邊材實爲當務之急該創辦人擬暫借公地爲校舍自係一時節省經費起見尙屬可行相應咨請貴部飭令該兵隊移紮他處俾得早日開校以重學務此咨

教育部咨江北都督核辦阜甯縣實業學堂堂長陳伯盟請撥款補助

文

爲咨請事據阜甯縣實業學堂堂長陳伯盟呈稱於前清宣統元年獨出鉅款創辦一實業學堂自開辦以來津貼五萬餘千阜甯民政長處案牘未毀確鑿可稽去秋爲民國盡力奔走四方學校經費因之困難遂在清提學使署稟請於阜甯教育經費盈餘項下歲撥二千聊資補助業經批獎飭縣遵行在案至九月間江北兵變因而中止今共和政體既已成立教育應不容緩而實業一科尤爲當務之急擬仍在阜甯教育經費盈餘項下

提撥一千元畧爲補助並請移行江北都督飭阜甯縣民政長妥爲監督力加保護等因前來除批示外相應咨請貴都督轉飭阜甯民政長查核辦理此咨

## 令示

### 大總統令內務部通飭各省慎重農事文

軍興以來四民失業而尤以農民爲最田野荒蕪人畜流離器具穀種之類存者蓋鮮自近海內粗平流亡漸集農民夙無蓋藏將何所賴以爲耕植之具夫一夫不耕或受之饑若全國耕者釋耒則雖四時不害而饑饉之數已不可免國本所關非細故也方今春陽載和正屆農時若不亟爲籌畫一或懈豫衆庶艱食水懷憂慮無忘厥心爲此令仰部迅卽咨行各省都督飭下所司勞來農民嚴加保護其有耕種之具不給者公田由地方公款私田由各田主設法資助俟秋成後計數取償各有司當知此事爲國計民生所係務當實力體行不得以虛文塞責勉盡厥職稱此意焉切切此令

### 大總統令內務部通飭各省勸禁纏足文

纏足之俗由來殆不可考起於一二好尙之偏終致滔滔莫易之烈惡習流傳歷千百歲

害家凶國莫此爲甚夫將欲圖國力之堅強必先圖國民體力之發達至纏足一事殘廢肢體阻闕血脈害雖加於一人病實施於子姓生理所贖豈得云謬至因纏足之故動作竭蹶深居簡出教育莫施世事罔問遑能獨立謀生共服世務以上二者特其大端若他弊害更僕難數曩者仁人志士嘗有天足會之設開通者已見解除固陋者猶執成見當此除舊布新之際此等惡俗尤宜先事革除以培國本爲此令仰該部速行通飭各省一體勸禁其有故違禁令者予其家屬以相當之罰切切此令

大總統據安徽都督孫毓筠轉呈蒯壽樞鹽政條陳令交實業部藉備採擇文

茲據安徽都督孫毓筠呈稱近年以來鹽政不修商民兩困於是有改革鹽制之說茲事體大決非可囿於一隅之見集思廣益庶幾有裨敝省所派全皖鹽政總理蒯君壽樞留心鹽務有年出所研求著爲論說洞悉利弊可見施行與空談者迥不相侔當茲鹽政改良其言固亦芻蕘之助合將條呈具文呈送仰祈採擇施行等由前來查鹽政之善否於國家收入及人民日需利害關係至爲切要該部長現正總理鹽政力圖改良合將該條

陳發交以資參考此令

### 大總統批李文藻條陳印花稅二呈

呈摺均悉印花稅在各國行之而有利吾國亟應仿辦理財家已歷歷言之況丁此改革之初豈不計畫及此仰候發交財政部存儲採擇可也此批

### 大總統批江甯自治公所請飭代理莊都督移駐甯垣並留徐衛戍總督暫緩赴北呈

呈悉據稱臨時政府地點已定北京及裁撤衛戍總督等情均係傳聞之誤所請電飭代理莊都督移駐江甯一節碍難立予照准惟保衛地方約束軍隊乃政府應盡之責自應妥爲部署以靖閭閻該商民等務須各安生業切勿誤信謠傳致滋紛擾此批

### 陸軍部令彭樹滋辦理衛生材料廠文

爲令知事案據軍醫局呈稱現在各師團之醫務人員業已漸次委派各處所需用之各項衛生材料亟應由部預爲籌備以便分配應用茲擬先設衛生材料廠一所專司衛生材料之購辦存儲支發各事預算每師每月需用衛生材料經費約四百元以現已編成

十六師計之每月共需六千四百元本廠若預儲足支三月之衛生材料共需經費一萬九千二百元俟三月後當再斟酌情形陸續領款補充該廠擬設廠長一員廠員一員堂理廠務軍需員一員管理本廠軍需另附司書及軍士數人分理庶務以上係爲鄭重軍隊衛生節省經費統一材料起見合應開具衛生材料廠之經費預算及辦法大概呈候察核批准以便呈請委任遵辦等因據此查衛生材料廠係屬當務之急東西各國罔不預爲籌備我國軍政統一時代尤應亟爲舉辦茲派彭樹滋充該廠廠長薛宜琪充廠員曾牖充軍需員仰卽迅撥辦事簡章由軍醫局呈請核准以便卽日舉辦除批准照辦外合行令知此令

教育部批阜甯縣准東實業學校校長陳伯盟請立案並在阜甯教育經費盈餘項下撥費補助呈

呈悉該校長獨出鉅款創辦實業學堂歷年津貼共至五萬餘千之多熱心興學深堪嘉尙應卽准予立案惟本部實業學校規程頒布後一切應按照該項規程辦理至所請擬在阜甯教育經費盈餘項下撥費補助一節已據情移咨江蘇江北都督轉飭阜甯民政

長查核辦理矣此批

### 教育部批僧界全體代表敬安等請創設佛教總會呈

據呈已悉該僧敬安等聯合全國僧團組織中華佛教總會意在昌明佛教提倡教育公益等事業深堪嘉尚應即准予立案佛說凌遲久矣震且積弱此未必非一因宗教改革刻不容緩該僧等務須努力進行將大乘精義廣爲傳播勿蹈舊日專事誦經禮懺類似巫祝之陋習本部有厚望焉此批

### 財政部批木商陸步高請飭知財政公所將前案注銷呈

呈悉查此項認解捐款前五年間原已認加至二萬串文去年至九月止此一年內連解部之款前後僅繳解一萬四千串文實較前數年短繳六千串文因天時人事之不虞該商等略形受累自係實情本部前次批示所以有獎勵之語並准暫予試辦三個月所有試辦期內經收之款按月儘數掃解來部一俟滿期再行核奪辦理當時如此批示原以大局未定不妨稍事變通量予核減所以恤商困亦所以勸來者現在時局大定各項商業漸有轉機各項捐務漸能復元何至木業獨無銷路木捐獨無指望所呈期內恐無捐

款一層殊非實在情節仰即遵照前批再行據實呈覆所有捐款務須儘收儘解毋得飾詞延諉所請發給照會之處仍俟呈覆以後再行核辦可也此批

財政部批劉汝麟請設中央田賦局簡章呈

呈悉所陳各條頗有見地仰候分別採用可也此批

財政部再批木商陸步高等請飭財政公所將前案注銷呈

呈悉仰即遵照前批據實呈覆再行核辦可也此批

財政部批滬光復軍司書生蔡雄樞條陳各項抽捐辦法呈

條陳閱悉所擬各項辦法及調查清摺具見留心時事仰候分別採用可也此批

財政部批商學界周錦堂等條陳行帖田房契紙商會註冊呈

呈悉所擬各條於實在情形頗有見地仰候詳加採用可也此批

財政部批陸費燾等條陳頒換田地家屋等稅契呈

呈悉民國宗旨首在福民換契再徵亦能利國茲事重大將來折衷辦理當於所議各條

詳加採用此批



財政部批鄧城條陳婦女纏足收稅章程呈

呈悉寓禁於徵自是善策所擬各條亦尙妥愜仰候體察民情再行核辦可也此批

財政部批陳彪等條陳牙捐章程呈

呈悉所陳各節於實在情形頗有見地本部正在統籌辦法仰候採擇可也此批

財政部批高捷等請派員清查屯田一律繳價呈

呈悉清查屯田自爲清查民田入手之辦法惟際茲財政革新時代凡百財務非統籌完全辦法不足以順輿情而收實效所陳簡章十條頗有見地足供參考仰候採用可也此批

財政部批林祉堂條陳整頓各牙行帖捐呈

呈悉所陳各節頗能洞悉實在情形其分別甲乙丙各牙行帖名目亦有條理仰候詳加採用可也此批

財政部批譚道淵兩淮鹽務因革意見書

書悉所稱三利三害於實在情形尙有見地惟茲事重大非統籌完全辦法不足以值商

艱而裕國課仰候詳細調查再行分別採用可也此批

### 財政部批向漢卿等陳報牙行利弊及整頓情形呈

呈悉所陳頗有見地本部正在統籌 法仰候採擇可也此批

### 財政部批康靖等條陳易換牙帖辦法呈

呈函均悉所陳亦有見地足供採擇惟查牙帖一項向歸部司專管所請繳呈押款委任承辦之處應無庸議此批

### 財政部批茶商唐璋等試辦皖南茶釐呈

三呈均悉本部現擬組織財政籌備處改良一切稅務一俟參議院議決以後即行通知各省派定代表數人到部研究各項稅務統籌進行辦法所陳改良茶稅一節亦有見地足供參攷仰候隨時採用可也此批



## 紀事



### 江甯巡警總廳質詢內務部行用公文程式往覆函件

敬啓者前奉頒發行用公文程式業經遵照轉行惟程式中尙有不能了悟者如第二條

甲項上級公署職員行用於下級公署職員曰令公署職員行用於人民者曰令或曰諭細繹文義凡上級之行用於下級者除令布令行令知等令而外應無二致而局中接奉大總統批答之件則仍曰批未審是否專行者則曰令答復者則曰批但程式中未經載明局中接收地方各團體或個人稟牘凡答復之詞向時統謂之批今遵程式自宜用令如果專行者乃曰令答復者應曰批則程式中又未載明局中無從遵守至諭之一式想係專行之文如舊日之諭單手諭等類又令之一式局中前奉都督答復之詞有事實相等而有教令指令之分未審是否教令屬於普通指令限於一事然就教令指令兩項答復之詞細繹之又似無界綫者局中對於各區區長呈文之答復應用何令亦難遵守又戊項任用職員及授賞徽章之證書曰狀是當任用或授賞時應給任用狀或授賞狀如有不能稱職之員應行撤銷者是否行用任免令抑即行用普通令知之令程式中未經載及未便妄擬又第四條凡各公署行用於外國之公文仍照向例辦理查向例本國公署對於外國如領事府等之公署均行用照會現在既照向例程式中雖未申明想係仍用照會新式頒行貴在恪守既有疑義不敢不請賜明示統希鑒察爲叩奉內務部來函

遲覆者前領行之公文程式應附樣本奈一時不能製就茲并補頒前來希即查照辦理來啓所詢各節均悉公文程式所指各種外尙有一種曰批因公文程式爲法制院所規定由大總統令飭頒發者其中少批一種想係規定時以批爲公文外別一種文式故遺去耳但公署行用公牘有時必須此種斷不能勉強省略至批諭令等之義別凡上級公署職員命下級公署職員或職員命人民者曰令凡命令而又含有勸導之意者曰諭凡受有呈詞而裁決判斷之者曰批惟各公文款式除批仍照舊辦理外其程式內所指各種悉如此次樣本據函內謂前奉公文令中有教令指令令知等別此係當日公文式未規定以前一時權便依舊日款式該文應有名詞外多增一字如爲札知事爲札行事爲曉諭事之類取其便於讀法今皆不用又函中詢撤銷不能稱職之員用令辦法其文式與此次所定者一例不必如狀特加區別字樣也其第四條行用於外國之公文即函中所稱照會是也專此函覆即詢日祉

雜報

中華民國實業部附設實業公報簡章

本報爲中華民國實業部之機關報故名曰實業公報

本報以宣布實業法令灌輸實業學識爲宗旨

本報暫定門類如左（無則姑闕）

甲 圖畫

乙 法令

丙 著論

丁 譯述

戊 調查

己 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登

者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上六折




# 臨時政府公報

# 附錄

中華民國元年三月十三日星期三

隨報附出 不另徵費



## 電報



孫大總統鑒泗水同胞慶祝共和升旗燃炮無礙公法荷人無理干涉碎國旗傷僑民封報社辱喪權請寬期解決倘致決裂本隊願爲前驅軍次徐州華僑炸彈隊叩

(徐州來電二百三十一)

南京孫大總統鑒因首都地點之故以致遷延時日恐遭危險復派覃振中甯赴燕陳商組織中央政府事宜到時祈接談一切元洪陽印


(武昌來電二百三十二)

孫大總統鑒昨電告此間擬推二人偕袁所派人往奉天調查想荷鑒及今已推定范熙績譚學夔二君於午後四時啓行謹聞元培等青

(北京來電二百三十三)

南京孫大總統鑒庚電悉所稱陸軍部爲武漢事請獎云云已詢頃城據稱並無其事謹復紹儀兆銘元培叩青

(北京來電二百三十四)



# 告白



## 總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日為限過期揭去嗣後凡來本府投遞呈件人等希一體知照總統府秘書處白

## 內務部禮教局廣告

三月十日本局收到鎮江佛教大同會支部同人宣告一紙中有並承禮教局長書額題贈等語閱之不勝詫異爾任職以來何嘗與該會書題匾額竟公然藉以宣告僧敬安等所呈該會招搖詐騙各情卽此一端已可概見除批查辦外特此聲明

禮教局杜 關啓

## 外交部廣告

本部於三月二日遷鼓樓前獅子橋所有電報公文各項函件希按址投遞爲盼

## 教育部收買古籍廣告

本部現擬籌設中央圖書館應儲書籍甚多各處如有古籍願出售者除星期外請於每



日下午三時至五時持樣本至南京碑亭巷本部接洽如合意者本部當給以相當價值  
**教育部禁用前清各書通告各省電**

湖北黎副總統各省都督及督撫鈞鑒本部高等以上各學校規程尙未頒布各地方高等以上學校應令暫照舊章辦理惟大清會典大清律例皇朝掌故國朝事實及其他有碍民國精神暨非各學校應授之科目宜一律廢止此外關於前清御批等書一律禁止濫用希即宣布施行教育部冬

### 內務教育二部爲丁祭事會同通告各省電

湖北黎副總統暨各省都督各督撫公鑒本部近接浙江民政司長電稱文廟丁祭應否舉行禮式祭服如何其餘前清各祀典應否照辦迭據各屬請頒典禮應歸統一敝省未便擅擬請電照遵等因據此查民國通禮現在尙未頒行在未頒以前文廟應暫時照舊致祭惟除去拜跪之禮改行三鞠躬祭服則用便服其餘前清祀典所載凡涉於迷信者應行廢止惟各地所祀者不盡同請由本省議會議決存廢事關全國爲此通電貴省即祈轉飭所屬查照辦理內務部教育部謹

## 教育部通告

本部現因學校令尙未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

### 臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉規地方之情況而彰民治之精神

### 臨時政府公報局告白二

各處有願爲公報販買者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

### 臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條即飭發行所照寄空函定報概不答覆

# 調查賦稅表

總計	摘要										
	田賦	地丁	漕糧	租課	止雜各稅	契稅	當稅	牙稅	印花稅	菸酒糖稅	雜稅
	三五八〇九九元	一六〇〇六一四〇〇	一六〇〇六一四〇〇	三・七七九七六四〇〇							
	一七・九〇四九六〇〇元	八・〇〇三〇七〇〇	八・〇〇三〇七〇〇	一・八九八八二〇〇							
	一七・九〇四九六〇〇元	八・〇〇三〇七〇〇	八・〇〇三〇七〇〇	一・八九八八二〇〇							
	半季										
	六・一四〇〇元	三・〇七〇〇	三・〇七〇〇	〇							
	一七・八九八八二〇〇元	八・〇〇〇〇〇〇	八・〇〇〇〇〇〇	一・八九八八二〇〇							

此表記之錄法係先記各類總數次記該類所屬分數之數記畢將各類總數合計之記於總計之下舉例如右以便自行類推

本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰咨曰令示曰紀事曰抄譯外報曰雜報其  
子目見前

四 本報日出一冊如遇國家紀念日星期日政府停止辦公時本報亦休  
刊一日

五 政府對於各地所發令示或宣布法律凡載登本報者公文未到以本  
報到後爲有效

六 凡各官署皆有購閱本報之義務唯具印文請領者皆照定價五折徵  
納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報  
南京中正街昇平橋易安精舍

外埠經售處

鎮江 興漢日報

常州 大街老王大昌

無錫 光復門內新橋二十一號曾瑞武

蘇州 城內因果巷四十一號許宅

上海

民立報

大共和報

時報

申報

新聞報

天鐸報

時事新報

啓民愛國報

神州報

上海 寶善街公頓里仁和號

民立報分館

蕪湖 中國日報

廣州 軍事報

香港 民意報

天津 大同報

舊金山 中西報

檀香山 少年報

自由新報

印刷所 臨時政府印鑄局工廠